

ORÆ LIGVST. PARS ORIENTALIS.

Haecenus aenea tabula, in qua praeter antiquam illam elegantiam & orthographiam, multis in locis ab ea, quam postea usus obtinuit, differentem, illud adnotandum est, easdem dictiones vario modo insculptas illic repertas esse. Si quidem & *jouferunt* scriptum legitur, & *juserunt* & *dixferunt* & *dixerunt*; & *susum* & *suxsum*; & *Procobera* & *Porcobera*; & *Genuates* & *Genuenses*; & *Langates* & *Langenses*. & alia ad hunc modum nonnulla, qua de re lectorem admonendum esse censuimus, ne id librorum negligentia putaret accidisse.

Vrbs *Parochias* habet *xxxi*, *Palatium* Senatus pulcherrimum & à *D* militibus Germanis custoditum. In media arce *Statua marmorea* cernitur *Andreae Auriae*, forma gigantis, tempora circum laurea corona redimiti, triaque *Turcarum* capita pedibus calcantis. *Poggium*, sive *Poggio* vicus est in maris littore, in quo palatium centurionis *Adami*, civis *Genuensis*, latissimusque hortus cum fonte stupendo; praedium denique, cujus situ nihil amoenius. *Laterna* turris est excelsa, instar *Phari* *Aegyptiacae* lumen nocturnum praebens navigantibus; cujus limini inscriptum: *Anno à Christo nato cccclxliii*, restituta libertatis anno *xvi* instaurata turris haec, olim structa à majoribus nostris, & *ccclxii* in oppugnatione arcis *Laternae* diruta. *Genua* de se ad *S. Andream*:

Sum munita viris, muris circumdata miris;
Et virtute mea pello procul hostica tela.
Si panem portas, licet has tibi tangere portas;
Si bellum queres, tristis victusque recedes.
Auster & Occasus, Septentrio novit & Ortus,
Quantos bellorum superavit Ianua motus.

Captam dirutamque à *Magone Amilcaris filio*, restauratamque à *Lucretio S. P. Q. R.* iussu supra diximus. Direpta iterum à *Rhotare*, *Langbardorum* rege, capto *Desiderio*, *Pipino Caroli Magni filio Italiae regi* se subjecit; mox Imperatorum, qui *Carolo Magno* successerunt, arbitrariis devota, à quibus potestatem accepit praefectos sibi legendi, qui *Republicam* regerent. Quo pacto à *Consulibus*, *Prætoribus*, *populi Praefectis*, *Abbatibus*, *Antianis*, ut vocant, & *Ducibus*, multos annos fuerit gubernata; & qualis *Reipublicae* forma fuerit, institutis anno *ccclxxviii* *Concilio nobili*, *Duce uno*, *Gubernatoribus octo*, *totidem Procuratoribus*, *Syndicisque quinque*, plene exponunt *Leander Albertus* in *Liguria*, aliique. *Viros illustres* *Genua* plures edidit: inter ceteros *Innocentium V* & *Hadrianum V Romanos Pontifices*, ex nobili *Flischorum familia*, quae eadem triginta & amplius *Cardinales* genuit, praeter *Archiepiscopos* *Episcoposque*. *Cibonum* è gente magna fuit *Innocentius VIII*, *Pontifex Maximus*; è *Fregosia Paulus*, cum *Frederico*; è *Flisca*, *Nicolaus*; ex *Saulia Bendinellus*, omnes *Cardinales*. Fuere etiam inter *Genuenses* *viri scriptorum gloria clari*, *Augustinus Iustinianus Nebiae Episcopus*, *Ioannes Balus Andalotius Niger*, *Iacobus Cepa*, *Iacobus Bracellius*, *Gothardus Stella*, *Baptista Fregofus*, *Stephanus Bracellius*,

Imperii
forma.

Viri illustres.

Antonius Gallus, *Iacobus Furnius*, *Hieronymus Palmerius*, *Bartholomæus Iustinianus*, *Nicolaus Brignalius*, *Bartholomæus Facius*, *Franciscus Marchio*, *Sperindeus Palmarius*, *Aloysius Spinosa*, *Dominicus Saulius*, & alii. Nec bellorum laude celebres *Duces* praeterire fas est, *Lambam*, *Philippum*, *Paganum*, *Lucianum*, *Obertum*, *Petrum*, *Andream Magnum*, *Philippinum*, quos vel una dedit domus *Auria*. *Genuensis* quoque fuit *Christophorus Columbus*, qui ob repertas occidentales aliquot insulas *Admirantis* nomen meruit ab *Hisp. Principibus*. Dedit eadem urbs *Ambrosium* & *Fredericum Spinolas* fratres, *Belgis* nota nomina: quorum hic *triremum* in *portu Slusano* Praefectus *navali praelio* cū *Zelandis* decertans anno *ccclxx* de fortiter occubuit; ille exercitus *Regis Hispaniarum* in *Belgio* supremus *Gubernator* *Confederatas Provincias* pertinaci bello laceffivit. *Archiepiscopus* dignitate floret, qui *Episcopatus Suffraganeos* plures sub se habet, supra memoratos. *Vrbem Genuam* & res gestas *Genuensium* descripsere *Franciscus Bizarrus Sentinas*, *Franciscus Petrarca*, *M. Antonius Sabellicus*, *Natalis Comes*, *Munsterus*, *Laurentius Schraderus*, in *monimentis Italiae*, & *Leander Albertus*.

Egressis *Genua* occurrunt *Nerviium*, *Buliascum* & *Saulum* modici vici, moxque *Recca*, *Camolium* & *Repallum*. Tractus autem universus littoris à *Genua* *Camolium* usque tanta aedificiorum, quae cum in collibus, tum vallibus exstructa sunt, copia nitet, ut oram navigio legentibus una continuaque videatur civitas. In intimo sinus *Rapallini* recessu *Claverium* est, *Chiaveri* vulgo, oppidulum, quod annis ante se natum *cl* muro cinctum non fuisse scribit *Blondus*. *Nebiae Episcopus Augustinus Iustinianus* conditum perhibet à *Genuatibus* an. *ccclxxvii*. *Nundinario mercatorum* conventu certis anni temporibus ob summam loci opportunitatem frequentatur. *Lavania*, *Italis Lavagno* vicus est ad fluvium cognominem positus. Quod inde *Sestri de Levante* vulgo, *Segesta* *Plinio* dicitur & *Antonino*. *De Levante* cognominatur, quod in orientali *Genuae* ora posita sit, ad differentiam alterius, quae in occidentali ora est. *Oppidum Portus Veneris*, ex adverso est portus *Ericis*, quorum illud olim imperii *Genuensium*, hic *Pisanorum* erat terminus.

In ora quoque *Liguriae* *Castella* occurrunt, *Tabilia* nomine celeberrimum ob generositatem vinorum *Apianorum*, patria *Ioan. Tabiani*, qui *Summam casuum conscientiae* scripsit: *Castello Levante*, orientis castellum splendide admodum aedificatum circumjectis undique peramoenis apricisque collibus, vallibusque gratissimis: *Monte Rosso* *Vulnetia*, vulgo *Vernaza*, *Manarola*, & *Rimaggio*, quatuor castella paribus pene discreta intervalis: Castellum novum *Spedia*, vulgo *Castello della Speria*, vel *Spezza*, muris cinctum ante ducentos & qui excurrunt annos. Ad *Macram* denique *Liguriae* limitem visuntur posita, *Vetianum*, *Arbicanum*, *Potentianum*, *Riconium*, *Luciolium* & *Mulatium*, vernacule *Vezzano*, *Arbiano*, *Potentiano*, *Riccono*, *Luzzolo*, & *Molazzo*.

Archiepiscopus

Oppida a lia.

Castella.